

Žělabny pórěd gmejskeje rady gmejny Markojska Góla (Märkische Heide) {GeschO}

Gmejska rada jo za paragrafom § 28 póstawk 2 numer 2 komunalneje wustawy kraja Bramborska (BbgKVerf) wót 5. měrca 2024 (Łopjeno za kazni a wustajenja GVBl. I/24, numer 10, pórěžone we numerje 38) na swójom pósejženju 31.03.2025 wobzamknuła slědujuce žělabne wustawki (žělabny pórěd).

Wopśimješe

Prědny stawk - Gmejska rada

§ 1 Člonki gmejskeje rady (zastupniki gmejny)

§ 2 Pówołanje gmejskeje rady

§ 3 Dnjowny pórěd gmejskeje rady

§ 4 Zjawnosć pósejženjow

§ 5 Wobydlařska štanda; pśesłuchanje pótrjefjonych a tu wěc rozmějucych

§ 6 Pšašanja člonkow gmejskeje rady

§ 7 Wótběg pósejženja

§ 8 Wobchadanje z punktami dnjownego pórěda, pśetergnjenje a wótstarčenje na pózdřejšy cas

§ 9 Pórěd za grona

§ 10 Wježenje pósejženja

§ 11 Zgłosowanje

§ 12 Pótajmne wuzwólowanje

§ 13 Spisanje protokolow

§ 14 Filmowanje, fotografěrowanje a górzejbranje zuka

§ 15 Frakcije

Drugi stawk - wuběrki gmejskeje rady

§ 16 Fachowe wuběrki

§ 17 Jadnanje we wuběrkach

§ 18 Głowny wuběrk

§ 19 Wuběrki za wósebnymi kaznjojskimi wustajenjami

Tśeši stawk - Wejsne pśirady a wejsne přědkstojarje

§ 20 Wejsne pśirady a wejsne přědkstojarje

Stwórty stawk - Wustajenja ku kóńcu

§ 21 Pomjenjenje paršonow

§ 22 Stupjenje do mócy

Prředny stawk
Gmejska rada (gmejske zastupnistwo)

§ 1 Člonki gmejskeje rady (gmejske zastupniki)

- (1) Člonki gmejskeje rady deje za paragrafom § 31 póstawk 1 Komunalneje wustawy kraja Bramborska dupońiš słušnosći, z kótarymiž jo jich člonkojstwo we gmejskej raže zwězane. Wóni deje se wósebje wobžěliš na pósejženjach a wobradowanjach gmejskeje rady a wuběrkow, kótarymž psislušaju.
- (2) Njamógu-li člonki gmejskeje rady se na wobradowanju wobžěliš, ga deje wóni južo pjerwjej pšedsedarjeju abo šoťse wót togo powěsc daś. Žo-li wó pósejženja wuběrkow, ga deje wóni zrownju swójo go zastupnego člonka informěrowaś.
- (3) Ku kuždemu pósejženju wupołožyo se lisćina psibytnosći, žož kuždy člonk gmejskeje rady, ako se na tom pósejženju wobžělijo, dej se wósobinski zapisaś.

§ 2 Zwołanje gmejskeje rady (§ 34 BbgKVerf)

- (1) Pšedsedař gmejskeje rady zwołajo gmejsku radu na pósejženja gromadu. Pšepšosenje (kazanje člonkam gmejskeje rady na pósejženje) póscelo se we elektroniskej formje. Člonki gmejskeje rady, kótarež póžedaju sebje te póđložki we papjeranej formje, muse na zachopjeńku wuzwólowařskeje perody to swójo póžedanje pšedsedarjeju gmejskeje rady pisnje k wěsci daś. Pšepšosenje na pósejženje musy dojś k člonkam nanejmenjej sedym połnych dnjow pšed dnjom pósejženja, pši comž žeń wótpóstanja se njelicy sobu (to jo regularny cas kazanja). Regularny cas kazanja naglěda se ako dožaržany, gaž to pšepšosenje wótpóscelo se wósym dnjow pšed pósejženim ako elektroniski dokument abo dajo se na post na žewjetem dnju pšed pósejženim.
- (2) Njamóžo-li daniž pšedsedař gmejskeje rady daniž jogo zastupniki gmejskej raže na pósejženje kazaś, ga móžo šoťta město nich gmejsku radu zwołaś.
- (3) K tomu pšepšosenju dej se psidaś dnjowny pórěd. Gmejna wužywa elektroniski system za management wobradowanjow. Zrownju z wótpóstanim dnjownego pórěda deje teke pšedłogi k wobzamknjenju k jednotliwym punktam dnjownego pórěda **w o r d o w a ś** do togo elektriskego systema stajone, tak aby člonki gmejskeje rady měli k nim psistup; we wuwzešnych padach mógu pšedłogi se teke pózdzej spsistupniś.
- (4) We nuznych padach móžo cas kazanja se pšekrotcyś na tši połne dny pšed dnjom pósejženja (pólažcone zwołanje). Ta nuznosć dej se we kazanju wósebje rozkłasć.
- (5) Gmejska rada wobradujo principielnje na měscě, we prezency. Člonki gmejskeje rady, mógu na swójo wósebne, wupšawjone póžedanje se wobžěliš na pósejženju per video, jo-li to techniski móžno. Na konstituěrujem pósejženju pak, abo we tom žětu wobradowanja, žož se pšewježo pótajmne wuzwólwanje, jo wobžělenje jano we prezency móžne. To póžedanje dej se stajiš

na předsedaru nanejpřzdeř tši dny před zachopjeřkom pőseřženja pisnje abo elektroniski. Z tym zrownju dej se pőseřženjowej službe zastojnstwa wót togo stajonego pőžedanja powěšć daš.

Pőžedanje jo wupšawjone, jo-lic člonek gmejnskeje rady wěrnosćiwje wobwěšćić, až howacej njebužo jomu móžno dla pőwołařskich, familiarnych, strowotnych abo drugih rowno tak wažecych winow se wősobinski na pőseřženju wobžěliš. Kuždy pőtrjefjony člonek gmejnskeje rady dej se sam staraš za swőju wősobinsku techniku, kótaraž jo zwenka pőseřžařnje trjebna, aby wón mógt se na pőseřženju per video wobžěliš.

§ 3 Dnjowny pőřed gmejnskeje rady (§ 35 BbgKVerf)

- (1) Předsedař gmejnskeje rady wustajijo za paragrafom § 35 pőstawk 1 sada 1 komunalneje wustawy BbgKVerf dnjowny pőřed gmejnskeje rady we wobjadnosći z wušym zastojnikom komunalnego zastojnstwa. Do dnjownego pőředa deje se zapisaš za paragrafom § 35 pőstawk 1 sada 2 komunalneje wustawy BbgKVerf temy wobradowanja, kótarež su
 - a) wót nanejmjenjej jadneje žaseteje žělby kaznjoskeje licby člonekow gmejnskeje rady abo
 - b) wót jadneje frakcije abo
 - c) wót šoltyaž do kőńca 10. dnja před dnjom pőseřženja wordowali formulěrowane a předsedarjeju gmejnskeje rady zjawjone. Te temy dnjownego pőředa deje se jomu we normalnem paže pisnje abo pő elektroniskej droze k wěšći daš.
- (2) Jo-li až ten wustajony cas k pšipowěženju temow jo se minuł, ga te temy mógu se akle k zapšiducemu pőseřženju do dnjownego pőředa zapisaš – njejo-li, až jo to napšawdu nuzna nastupnosć, kótaraž njamőžo se až do zapšiducego pőseřženja wőtstarcyš.

§ 4 Zjawnosć pőseřženjow (§ 36 BbgKVerf)

- (1) Na zjawnych pőseřženjach gmejnskeje rady mógu se pšisłucharje wobžěliš, za teju měru, wjele městow dajo.
- (2) Pšisłucharjam njejo pšiwđane daniž grono žaržaš daniž se na wobradowanjach žělbu měš. Wóni njesměju se do togo wobradowanja měšaš daniž jo móliš a teke žedne znamjenja spődobanja abo njezdaša daš. Pšisłucharje, ako ten pőřed kaze, mógu wót předsedaru gmejnskeje rady wordowaš ze zala wen wupokazane.
- (3) Předsedař móžo pši zadorajucem njeměrje pőseřženje pšetergnuš abo pšisłucharjam kazaš zal spušćiš. Njamőžo-li to pőseřženje se nanejpřzdeř pő 30 minutach dalej wjasć, ga pšaši wőno ako dokőńcowane.

§ 5 Wobyđlařska štanda; pšesłuchanje pőtrjefjonych a tu wěć rozmějucych

- (1) Wobyđlařska štanda, ako jo we głownych wustawkach gmejny Markojska Gőla za paragrafom § 13 komunalneje wustawy (BbgKVerf) wustajona, pšewježo se pšecej

na zachopjeńku pósejženja gmejnskeje rady. To njeptaši za pósejženja, žož su planowane jano njezjawne temy.

- (2) Wobzamknjo-li gmejnska rada, až k jednotliwym punktam dnjownego pórěda deje pótrjefjone wobydlarje a tu wěc rozmějuce wordowaš pśesłuchane, ga dej se to pśesłuchanje pjerwjej dokóńcowaš, nježlic wobradowanje a zgłosowanje k tej temje se zachopijo.

§ 6 Pšašanja člonkow gmejnskeje rady (§ 29 póstawk 1 a 2 BbgKVerf)

- (1) Pšašanja člonkow gmejnskeje rady na šoftu, na kótarež dej se na pósejženju gmejnskeje rady wótegrono daš, deje byš principielnje krotko a wěcownje formulěrowane. Wót kuždego člonka gmejnskeje rady njedeje se wěcej ako dvě pšašani na jadnom pósejženju stajiš. Ten pšašar móžo se wušej togo jaden raz dopšašaš. Ta góžba k tym pšašanjem dej byš derje rozkłažona. Pšašarje deje swóje pšašanja pósejženjowej službje pisnje abo elektroniski pšepowdaš, nanejpózdzej jaden žen pšed pósejženim. Njejo-li na pósejženju móžno na pšašanje dla mało casa wótegroniš, ga dej se na to same pšašanje na pšiducem pósejženju wótegrono daš, njejo-li, až to same wótegrono bužo se južo pjerwjej pisnje abo elektroniski daš. Njewótwisnje wót togo mógu člonki gmejnskeje rady na pósejženju pšašanja stajaš. Njejo-li móžno na dnju pósejženja na to pšašanje pó wopšimješu wótegroniš, ga dej se to wótegrono we krotkem casu pisnje daš.
- (2) Swóje póžedanja a ideje deje člonki gmejnskeje rady pó móžnosći pšed pósejženim pšedsedarjeju pšepowdaš abo pšípóstaš we pisnej formje abo elektroniski.

§ 7 Wótběg pósejženja

- (1) Pšedsedar wótwórijo, nawjedujuo jadnanje a wobzamknjo pósejženja gmejnskeje rady. Na pósejženjach nałožuju wón pórěd a wugba domowe pšawo (§ 37 póstawk 1 komunalneje wustawy BbgKVerf). Njamóžo-li wón swój amt wugbaš, ga stupijotej jogo zastupnika we ředu jeju pówołanja ako přědny abo drugi zastupnik na jogo město.
- (2) Pósejženja gmejnskeje rady deje se principielnje pšewjasć we slědujucem ředu:
 - a) wótwórjenje pósejženja,
 - b) wuznaše, až kazańe na pósejženje jo było płašece (jo se stało za pórědom), wuznaše, wjele člonkow serbskeje rady jo pšibytnych, a wuznaše, lěc gmejnska rada pšemóžo wobzamkaš;
 - c) wustajenje dnjownego pórěda,
 - d) rozsuzenje za paragrafom § 42 póstawk 3 sada 2 komunalneje wustawy BbgKVerf nad ewentuelnym protestom pšěšiwu protokoloju slědnego pósejženja,
 - e) wobydlařska štunda (z pšašanjami wobydlaři),
 - f) ewentuelnje wopowěšćšořty,
 - g) ewentuelnje pšiwobrošenje pšašanjem člonkow gmejnskeje rady,
 - h) punkty dnjownego pórěda, ako słušaju k zjawnej žělbje pósejženja,

- i) rozsuženje za paragrafom § 42 póstawk 3 sada 2 komunalneje wustawy BbgKVerf nad ewentuelnym protestom pšešiwu protokoloju wót njezjawneje želby slědneho pósejženja,
- j) punkty dnjownego pórěda, ako słušaju k njezjawnej želbje pósejženja,
- k) wobzamknjenje pósejženja.

§ 8 Wobchadanje z punktami dnjownego pórěda, pšetergnjenje a wótstarčenje na pózdžejšy cas

- (1) Gmejnska rada móžo punkty dnjownego pórěda
 - a) pšez rozsuženje we tej wěcy wobzamknuš,
 - b) do głownego wuběrka resp. do fachowego wuběrka dalej daš abo
 - c) to wobradowanje nad nimi wótstarčyś na pózdžejšy cas.
- (2) To póžedanje wó rozsuženje we tej wěcy ma pši zgłosowanju přědnosć pšed póžedanim wó dalejdaše do wuběrka, a to same póžedanje ma přědnosć pšed póžedanim wó wótstarčenje togo punkta na pózdžejšy cas. Jo-li až to póžedanje wordujo zwólone, ga deje se te pši stajenju póžedanja pšipowěžone grona hyšći pšiwdaš.
- (3) Pšedsedař móžo pósejženje gmejnskeje rady pšetergnuš. Na póžedanje jadnogo tšešego žěła pšibytnych člonkow gmejnskeje rady abo na póžedanje jadneje frakcije musy wón to pósejženje pšetergnuš. Aby pósejženje se k drugemu razozu pšetergnuło, musy wětšy žěł pšibytnych člonkow gmejnskeje rady za take póžedanje zgłosowaš. Take pšetergnjenje njedej traš dlej ako 15 minutow.

Pó zeger žasešich wjacor njedeje se žedne dalšne punkty dnjownego pórěda do wobradowanja daš. Wóny punkt dnjownego pórěda, ako jo hyšći we wobradowanju, dej se až do kónca dowobradowaš. Dalejwježenje pósejženja pó zeger 22 jo jano tencas móžne, gaž wšykne člonki gmejnskeje rady tomu pšigłosyju. Gmejnska rada móžo za paragrafom § 34 póstawk 6 komunalneje wustawy BbgKVerf z wětšynu głosow pšibytnych člonkow wobzamknuš, až pósejženje dej se tuchylu dokóncowaš a až te hyšći njewobzamknjone punkty dnjownego pórěda deje na drugem dnju se dalej wobradowaš (dalejwjeduce pósejženje). Pši takem wobzamknjenju musy se cas a město dalejwjeducego pósejženja wustajiš. Žedno nowe pšepšosenje na to dalejwjeduce pósejženje se njepóscelo. A jo-li až žedno wósebne dalejwjeduce pósejženje se njewobzamknjo, ga deje te hyšći njezachopjone punkty dnjownego pórěda na pšiducem pósejženju gmejnskeje rady se ned přězy na dnjowny pórěd stajiš.

§ 9 Pórěd za grona

- (1) Grono žarzaš móžo jano ten, chtož jo wót pšedsedarja gmejnskeje rady to słowo krydnuš. To jo kuždemu člonkoju gmejnskeje rady ku kuždemu punktoju dnjownego pórěda dwójcy pšiwdane. Gronjarje deje pjerwej zwignuš ruku abo zgłosowařsku kórtku, gaž kšě słowo wezeš.
- (2) Pšedsedař dajo gronjarjam powědaš za ředom, ako su se wóni mjeldowali, njejo-li, až

ten, ako ma rowno to pšawo grono žaržaś, pšiw dajo, aby wót tego ředu wótstupili. Słowo k žětabnemu pórědoju dej se gronjarjam kuždy cas daś, to grono pak smějo pšecej jano aktuelny punkt dnjownego pórěda pótrjefiś. Pšez to pak njesmějo se nicejo grono pšetergnuś.

- (3) Šoťše dej se teke njeglědajucy na řed mjeldowanjow kuždy cas słowo daś.
- (4) We jadnej a tej samej nastupnośi móžo kuždy člonk gmejskeje rady maksmalnje dwójcy słowo weześ. Kužde grono we diskusiji njedej warnowaś dlej ako 3 minuty. Pši kompleksnych temach móžo pšedsedař člonkoju gmejskeje rady wěcej casa k powědanju pšiměriś.

§ 10 Wježenje pósejženja (§ 37 BbgKVerf)

- (1) Pšedsedař gmejskeje rady móžo gronjarje, kótarež se wótchylaju wót temy wobradowanja, napominaś, aby pšišli slědk k tej wěcy.
- (2) Jo-li člonk gmejskeje rady we pósejženju wordował tši raz napominany, aby pšišel slědk k tej wěcy, ga dej pšedsedař jogo grono pšetergnuś a dokóncowaś. Wón njesmějo jomu daś we tej samej diskusiji k tej samej temje naspjet powědaś.
- (3) Pšedsedař móžo člonka gmejskeje rady wołaś k pórědoju, jolic až zažaržanje toho samego člonka móli pórědny wótběg pósejženja.
- (4) Jo-li člonk gmejskeje rady we pósejženju wordował tši raz wołany k pórědoju, ga móžo pšedsedař jomu na cas pósejženja słowo weześ abo jogo ze jšpy abo zala wupokazaś.

§ 11 Zgłosowanje (§ 39 BbgKVerf)

- (1) Člonki gmejskeje rady zgłosuju principielnje zjawnje pšez zwignjenje ruki. Pšedłoga k wobzamknjenju dej se pšed kuždym zgłosowanim přědk lazowaś. Pši zjawnem zgłosowanju wuznajo pšedsedař gmejskeje rady licbu člonkow, kótarež
 - a) zgłosuju za póžedanje,
 - b) póžedanje wótpokažu abo
 - c) se głosa zežaržuju.

Gaž se ned pó zgłosowanju na rezultatu cwiblujo, ga musy to zjawne zgłosowanje pšed zachopjenim pšiduecego punkta dnjownego pórěda se hyšći raz pšewjasć.

- (2) Na póžedanje wót nanejmenjej tšoch člonkow gmejskeje rady abo wót jadnej frakcije dej se zgłosowaś z mjenim.
- (3) Jolic až dajo k punktoju dnjownego pórěda pšeměnjece a dapołnjece póžedanja, ga dej se nejpjerwej dla wónego póžedanja zgłosowaś, ako se wót přědneje pšedłogi pósejženja nejwěcej wóthyla. Pši pšeměnjecych a dapołnjecych

póžedanjach z finacielnymi konsekwencami ma wóne póžedanje přednosť, ako napórajó wuše wudawki abo pómjěńšyjo nabranki. Njejo-li to wěšte, ga rozsužijo pšedsedař gmejnskeje rady.

- (4) Na ekstra póžedanje, ako jo wordowało zwólone z wětšynu głosow, dej se dla kuždego žěta pšedłogi abo póžedanja wósebje zgłosowaš. Naslědku pak pak dej se ta ceťa pšedłoga abo ceťe póžedanje we ceťem hyšći raz wósebje pšez zgłosowanje wobzamknuš.
- (5) Póžedanja, ako maju ze žěłabnym pórědom cyniś, maju kuždy cas přednosť a muse pšed wěcownymi póžedanjami do wobradowanja pšiś.

§ 12 Wuzwólowanje samskich paršonow a gremijow (§§ 40 und 41 BbgKVerf)

- (1) K pšigótowanju a pšewježenju pótajmneho wuzwólowanja dej se z gmejnskeje rady załožyś wuzwólowański wuběrk, wobstojecy z tšich paršonow.
- (2) Dej-li gmejnska rada jadnu samsku paršonu wumjeniś abo za kandidata wustajiś, ga dej ta sama paršona wordowaš wuzwólowana za paragrafom § 40 komunalneje wustawy BbgKVerf, njejo-li, až jo to we kaznjach hynacej wustajone.
- (3) Dej-li gmejnska rada někotare člonki jadnogo gremija wumjeniś abo za kandidaty wustajiś, ga worduju te člonki a jich zastupniki wuzwólowane za paragrafom § 41 komunalneje wustawy BbgKVerf, njejo-li, až jo to we kaznjach hynacej wustajone abo až gmejnska rada jo jadnu drugu proceduru jadnogłosnje wobzamknuła.
- (4) Pšedsedař gmejnskeje rady dajo k wěšći rezultat wuzwólowanja, kótaryž wuzwólowański wuběrk jo pšipóznał.

§ 13 Protokol (§ 42 BbgKVerf)

- (1) Šofta stara se wó protokol. Wón wumjenijo spisarja protokola.
- (2) Protokol wót pósejženja dej wopšimjeś:
 - a) informaciju, kake pósejženje to jo, a wósebje, lěc jo to pósejženje we prezency, hybridne pósejženje, video-pósejženje abo audio-pósejženje,
 - b) cas a město pósejženja,
 - c) mjenja wobžělnikow, kaž teke wónych člonkow gmejnskeje rady, ako njejsu na pósejženju pódlá, ale su se pši tom wupšawili, a tych, ako njejsu se wupšawili,
 - d) dnjowny pórěd gromaže z informaciju, kótare punkty dnjownego pórěda su se wobradowali zjawnje, a kótare njezjawnje,
 - e) poňny tekst wšyknych póžedanjow gromaže z mjenjami póžedarjow, nejwažnejšym wopšimješim wobradowanja a teke poňny tekst wobzamknjenjow,
 - f) rezultaty wuzwólowanjow a zgłosowanjow,

- g) wuzamknjenje a naspjetpšipušćenje zjawnosći,
 - h) informaciju, kak su zgłosowali wóne członki gmejskeje rady, kótarež maju to póžedanje, aby jich zažaržanje pši zgłosowanju se protokolěrowało,
 - i) pši zgłosowanju z mjenim - informaciju, kak kuždy członk gmejskeje rady jo zgłosował, a
 - j) mjenja wónych członkow gmejskeje rady, kótarež dla partajskosći (pšedsudkownosći) njejsu na wobradowanju abo wobzamknjenju k jednotliwym punktam dnjownego pórěda wobžěłone.
- (3) Nastupnosći, kótarež su se w njezjawnem žělu pósejženja wobradowali, deje se wósebje protokolěrowaš.
- (4) Protokol pósejženja dej se póstaš członkam gmejskeje rady gromaže z pšepšosenim na pšiduce pórědne pósejženje, nanejpózdžej pak styri tyženje pó protokolěrowanem pósejženju, jolic až to pšiduce pórědne pósejženje bužo pózdžej nježli styri tyženje pó tom samem protokolěrowanem pósejženju.

§ 14 Filmowanje, fotografěrowanje a górzejbranje zuka (§ 36 Abs. 3 BbgKVerf)

- (1) Filmowanje, fotografěrowanje a górzejbranje zuka kaž teke jich wusćetanje – pšez casniki, radio a pódobne medije – na zjawnych pósejženjach gmejskeje rady jo principiělnje pšidwane. Pšedsedař dej wobydlaře a gósci na to dopomnješ, až mógu pšešiwu górzejbranju swójogo grona a/abo fotografěrowanju abo filmowanju swójeje paršony protestowaš.
- (2) Teke górzejbranje zuka, filmowanje a fotografěrowanje, kaž teke zukowe a filmowe wusćetanja, ako jo gmejska rada sama iniciěrowała, su principiělnje pšidwane. Póstawk 1 sada 2 pšaši wótpowědnje.
- (3) Aby protokol wót pósejženja se lažcej napisał, jo pšidwane, cełe pósejženje górzejbraš. Górzejbrany zuk dej za paragrafom § 42 póstawk 3 sada 4 komunalneje wustawy BbgKVerf se wulašowaš ned za tym, ako protokol jo se přědkpóžył a gmejska rada jo rozsuziła, kak dalej z protestami pšešiwu protokoloju (su-li take se pšipowěželi).
- (4) Filmowanje, fotografěrowanje a górzejbranje zuka k drugim góžbam, ako njejsu wumjenjone we póstawkach 1 do 3, jo jano móžne, gaž wšykne pšibytnje członki gmejskeje rady tomu pšigłosuju.

§ 15 Frakcije (§ 32 BbgKVerf)

- (1) Frakcije su zwěstki członkow gmejskeje rady. Jadna frakcija musy za paragrafom § 32 póstawk 1 sada 2 komunalneje wustawy BbgKVerf wobstojaš nanejmjenjej z dweju członkowi. Frakcije su aktiwnje wobžěłone za paragrafom § 32 póstawk 2 sada 1 komunalneje wustawy BbgKVerf na procesu namakanja politiskeje wóle a pšizženja k rozsuzenjam we gmejskej raže.
- (2) Frakcije deje pšedsedarjeju gmejskeje rady mimo komuženja powěšć wót swójogo załoženja daš. Ta powěšć dej wopšimješ dokradne mě frakcije, mě

předsedarja frakcije, mjenja joga zastupnikowu kaž teke wšykných tej samej frakciji pšisťušajucých člonkow gmejnskeje rady . Wšykne pšawa, ako frakcijam pšisťoje, móžo frakcija wužywaš ned za tym, ako ta powěsć za sadu 2 se předsedarjeju k wěsći dajo. Wšykne pšeměnenja deje se předsedarjeju pšecej mimo komuženja pisnje zjawiš.

Drugi stawk Wuběrki gmejnskeje rady (§ 44 BbgKVerf)

§ 16 Wuběrki gmejnskeje rady (§ 44 BbgKVerf)

- (1) Gmejnska rada wuzwóljo a załožyjo sama ze se k pšigótowanju swóжих wobzamknjenjow a ku kontroli zastojnstwa za paragrafom § 44 póstawk 1 komunalneje wustawy BbgKVerf slědujuce wobstawne wuběrki (fachowe wuběrki):
 - twařski wuběrk
 - socialny wuběrk
- (2) Licba sejženjow we kuždem teju wuběrkowu wunjaso pšě.
- (3) Gmejnska rada pówołajo do kuždego wuběrka tšoch tu wěc rozmějucých wobydlarjow.
- (4) Wuběrki worduju zwołane wót předsedarja wuběrka we wobjadnosći ze šoftu.

§ 17 Jadnanje we wuběrkach (§ 44 BbgKVerf)

- (1) Za žěłabnosć a jadnanje wuběrkow, ako su załožone wót gmejnskeje rady za paragrafom § 44 komunalneje wustawy BbgKVerf, plaše wustajenja přědnego stawka pó zmysle, njejo-li, až we kaznjach abo we slědujucých póstawkach jo něco drugego wustajone.
- (2) Za paragrafom § 44 póstawk 9 sada 3 komunalneje wustawy BbgKVerf mógu wóne pšawa, ako su wustajone we paragrafje § 34 póstawk 3 numer 1 komunalneje wustawy BbgKVerf a we paragrafje § 35 póstawk 1 sada 2 komunalneje wustawy BbgKVerf, teke wót nanejmenjej dweju člonkowu wuběrka z głosowařskim pšawom wordowaš wužyte. Wobydlařska štanda se na pósejženjach fachowých wuběrkow njepšewježo.
- (3) Cas, město a dnjowny pórěd pósejženjow fachowých wuběrkow deje se zjawnje znate cyniš pšez wupowjesenje we zjawných kašćikach, ako su wumjenjone we paragrafje § 13 postawk 4 głowných wustawkow gmejny Markojska Góla a na gmejnskem internetowem boku.

§ 18 Głowny wuběrk (§§ 49 a pšiduce paragrafy komunalneje wustawy)

- (1) Gmejnska rada załožyjo sama ze se k pšigótowanju swóжих wobzamknjenjow a ku

kontroli zastojnstwa za paragrafom § 49 póstwak 1 komunalneje wustawy BbgKVerf głowny wuběrk.

- (2) Za žěłabnosć a jadnanje głownego wuběrka, ako jo wót gmejnskeje rady za paragrafom § 49 komunalneje wustawy BbgKVerf załožony, płaše wustajenja přédneho stawka pó zmysle, njejo-li, až we kaznjach abo we psíducych póstawkach jo něco druge wustajone.
- (3) Głowny wuběrk zejžo se zwětšego na dnjach, kótarež su wót gmejnskeje rady we planje pósejženjow we kalendariskem lěše wustajone.
- (4) Wobzamknjenja głownego wuběrka abo to wažnejše wopšimješe tych samych deje se – za pórědom wobzamknjenjow gmejnskeje rady – zjawnje znate cyniš, njejo-li, až we wósebnem paže k wužytku wobydlařstwa abo k wobzwarnowanju pšawow tšešich se wobzamknjo něco drugego.

§ 19 Wuběrki za wósebnymi kaznjojskimi wustajenjami

Wustajenja drugego stawka deje se pó zmysle nałožyš teke na take wuběrki gmejny, kótarež stoje na wósebných kaznjojskich wustajenjach, njejo-li we tych samých wustajenjach nic drugego wustajone.

Tšeši stawk Wejsne psírady a wejsne přédkstojarje

§ 20 Wejsne psírady a wejsne přédkstojarje (§§ 46, 47 BbgKVerf)

- (1) Toš ten žěłabny pórěd nałožyjo se na wejsnu psíradu pó zmysle, njejo-li, až wejsna psírada ma we swójom samskem žěłabnem pórěže něco druge wustajone.
- (2) Kuždy wejsny přédkstojar dej wordowaš pisnje pšepšosony na wšykne zjawne abo njezjawne pósejženja gmejnskeje rady a jeje wuběrkow, na kótarychž se wobraduju nastupnosći, ako maju cyniš z jogo jsu (wejsnym žěłom gmejny).

Stwórty stawk Wustajenja ku kóńcu

§ 21 Pomjenjenje paršonow

Su-li we toš tom žěłabnem pórěže – dla lěpšego lazowanja a lažcejšego rozměša – funkcije pomjenjone ze słowom, kótarež jo jano za jaden rod (muskecy abo žeńskecy) specifiske, ga měni to słowo tu funkciju njewótwisnje wót genderoweje identity paršony, kótaraž tu funkciju wugba, a take pomjenjenje płaši rowno tak za ten drugi rod a wopšimjejo wšykne genderowe identity.

§ 22 Stupjenje do mócy

Toś ten žětabny pórědstupijo do mócy na pśiducem dnju pó jogo wobzamknjenju pśez gmejnsku radu. Z tym zrownju zgubijo swóju móc žětabny pórěd wót 09.12.2019.

Markojska Góla, **31.03.2025**

Matthias Lehmann

Pśedsedař gmejnskeje rady